


例案續增四十



四	〇	一	二	九	漢書門
冊	架	函	號	類	

三	函	二	〇	九	漢
冊	架	函	號	類	書


內閣文庫		
番號	漢	9579
冊數	40 (39)	
函號	296	98



例案續集目錄卷四十

乾隆二十二年上

名列



錢塘 沈如焯 溉齋 增輯

淺草文庫

攢毆多傷命犯不准贖罪

詞訟案件不許批罰其應罰者須奏明請旨


毆死服姪准留養

強姦幼女已成不准以篤疾寬減

因行竊拒捕致瞎兩目不准援請

安置軍流人犯仍聽督撫於應遣府州縣屬均勻酌發
安插民犯停發黑龍江吉林等處仍照舊例發雲南等省
廣東東莞香山等烟瘴稍輕二十一州縣應發安插人犯俱解巡
撫衙門酌發

吏部



八旂散處人員捐職在散處地入籍取結銓選
發用試用人員不勝民牧改教
督撫幕友關防
佐襍親老不准改補近地
滿洲知縣不准捐部屬

俸滿教職丁憂服闕俟得缺送部引 見

貢舉非其人

僱人代考中式冒竊科名改發黑龍江等處安插

舉用有過官史

保舉人員以昏憤等項被叅將保題上司議處

官員赴任過限

官員到任憑限文冊按季並送吏科

公式

官文書摺程

州縣公出敘明事由公出月日申報該督府州查明出結于月底
通報存案

命盜案件應審牽連人犯不准扣限 州縣漏報案犯到官起限

日期造冊咨部存案

有關倫常名分命案人犯到案後即行審解不准拘泥定限稽遲

戶部

戶役

人戶以籍為定

冒籍生員限年自首未經查明各生停鄉試一科

田宅

陸勸災傷日限

委員查災不是一體處分

賑務督撫留心體察

婚姻

強佔良家妻女

謀佔服孀家產賄捕誣姦強逼改嫁照光棍例分別治罪

倉庫

倉

錢局工匠分別充退

倉

倉穀出糶買補價值造冊報部

禮部

祭祀

致祭

山川壇于春秋仲月戊日致祭 社稷壇同日致祭

兵部

兵

武弁蒞任本地督撫畱心體察

隨封琉球兵役在番滋事



番船進口停收軍械

例案續集卷四十

錢塘 沈如焯 澹齋 增輯

乾隆二十二年上

名例

攢毆多傷命犯不准贖罪

刑部為請

旨事該臣等會議得晉撫胡 奏稱閩志讓贖罪一案查閩志讓係山西
祁縣民因范正邦將伊子閩績哄騙至家擲毆閩績輸欠范正邦錢
二百七十八千因無現錢寫立借約言明十年清還范正邦頓改前
言屢煩李文章向討李文章喚閩績至舖令其償還閩績恐祖父聞
知懇李文章以一二折算借銀給還嗣范正邦至舖吵嚷索銀李文
章令往僻處講論行至南街適被閩績堂叔閩五撞遇詢問李文章

支飾而去隨至西街角樓內議懇一折清還閩五疑為賭博歸告閩志讓閩志讓率領閩五閩六尋至角樓盤問李文章據實相告閩志讓指罵范正邦范正邦回詈撲打兩相扭結閩志讓喝令毆打閩績拾磚毆傷范正邦右額角閩五亦拾磚毆其顛門偏右范正邦仍扭不放閩五將范正邦拉倒又用磚毆傷其腦後閩績亦用磚毆傷其腦後偏左骨損范正邦氣絕殞命閩志讓疑其裝死復令閩五用小刀割傷咽喉據陞任晉撫胡將閩志讓依威力主使人毆打至死律擬絞監候經臣部等衙門核覆於乾隆十九年四月內 題結在案今據晉撫胡 奏稱閩志讓之子閩績具呈情愿援例捐銀一千二百兩代父贖罪等語查閩志讓因范正邦向伊子閩績向討賭欠率同閩五等聞知情由兩相扭結閩志讓喝令毆打以致閩績閩五各用磚毆傷范正邦額角顛門偏右腦後偏左等處殞命閩志讓疑其

裝死復令閩五用小刀割傷咽喉父子兄弟逞兇攢毆傷致數處命斃立時情罪較重與王復叫令陳毛圪榔帮打馮三傷止一處之案不符閩志讓似不應准其贖罪俟

命下之日行令該撫遵奉施行等因奉

旨依議乾隆二十二年三月初三日邸抄

詞訟案件不許批罰其應罰者須奏明請 旨

吏部為欽奉

上諭事考功司案呈內閣抄出乾隆二十二年四月二十五日奉

上諭前因莊有恭在江蘇巡撫任內濫行批罰贖罪已將莊有恭及附和迎合之許松佶趙酉葦職治罪矣以江蘇一省莊有恭一人任內言之已有數案則各省督撫恐亦俱所不免謂必如莊有恭所辦朱賄一案以縲首重罪不 題不 奏擅行准罰在各督撫中諒必不敢

出此至若嚴擬裕鬪蟋蟀等細微之事量爲批罰完結者自屬勢所
易行夫立法所以示懲應的決者自應照例的決州縣濫罰尚所嚴
禁况于督撫大吏耶嗣後民間詞訟案件槩不得濫行准罰若果所
犯之罪本輕而爲富不仁情寔可惡則酌量示罰以充地方橋道廟
宇等工之用亦尚可准但須 奏明請
旨不許擅自批結以杜借端影射之弊此亦肅清吏治之一端也欽此
毆死服姪准留養

刑部爲結狀事該臣等會議得常貴兒毆傷總麻服姪常猪子身死
一案據陝撫盧 疏稱緣常貴兒係常猪子總麻服叔素好無嫌乾
隆二十一年二月初五日常自新葬母常貴兒因常猪子等帮忙常
猪子將給賞吹手錢十五文竊取被常九兒看見惟有衆疑常貴兒
取去常貴兒忍受未辨事畢常九兒詢出常猪子竊取錢文氣忿喊

罵適常猪子走進聽聞將原錢撒出與常貴兒角口常猪子拾磚向
毆常貴兒架格致傷常貴兒手指順勢撲去人隨撻倒撞滅燈火常
猪子右手向下擦傷右手腕撻壓常猪子右腿傷及左腿偏外常貴
兒隔櫬上壓常猪子手揪常貴兒髮辮常貴兒抓傷常猪子左血盆
骨指尖帶傷咽喉偏左常猪子放鬆常貴兒奪磚毆其左肋右脇常
猪子用脚反踢常貴兒又磚毆常猪子左腿肚左脇經常有綬進房
拉阻常貴兒走逸詎常猪子擡送回家旋即殞命屢審不諱將常貴
兒依律擬絞聲請留養常九兒等擬杖等因具 題經刑部等衙門
照擬核覆併聲明常貴兒之母劉氏現年六十五歲守節已歷二十
五年止有該犯一子該犯毆傷常猪子身死之處並無謀故別情與
孀婦獨子有犯鬪毆殺人聲請留養之例相符等因具 題奉
旨九卿定議具 奏欽此查常貴兒毆傷常猪子身死因常猪子竊錢犯

尊互毆致斃審無謀故別情且係尊長毆死卑幼較之尋常鬪殺有
間既據該撫聲明常貴兒實係孀婦獨子似應照例准其留養俟
命下之日刑部行文該撫將該犯枷號兩個月責四十板仍追埋葬銀二
十兩給付屍親收領餘仍照刑部等衙門原議完結可也等因奉
旨常貴兒從寬免死照例發落准留養親餘依議乾隆二十二年三月初
二日邸抄

強姦已成篤疾不准寬減

刑部爲稟明強姦事該臣等會看得盧璉強姦孫大女已成一案據
河撫圖 疏稱緣盧璉二目雙瞽與孫大女之父孫華比隣而居孫
大女年甫十四因母物故給朱爾玉爲養媳乾隆二十一年七月初
八日孫大女歸寧孫華外出孫大女守至初更未見伊父歸家坐在
門首哭泣盧璉叱問知孫大女頓起淫心輒將孫大女強抱家內放

在床上拉褲孫大女喊叫盧璉一手搯其咽喉一手將褲扯破壓身
強姦屢訊不諱將盧璉擬絞監候并聲明該犯兩目雙瞽已成篤疾
奏請 定奪等因具 題前來應如該撫所題盧璉合依強姦已成律
擬絞監候秋後處決再該撫 疏稱查盧璉兩目俱瞎已成篤疾所
犯絞罪相應聲明候

旨定奪等語查盧璉因孫華十四歲幼女孫大女候父未歸在外哭泣輒
敢抱入室內強行姦污殊屬淫兇雖係雙瞽未便援引聲請致滋輕
縱應將該撫聲請之處毋庸議可也等因奉

旨盧璉依擬應絞着監候秋後處決餘依議乾隆二十二年四月初六日

邸抄

因行竊拒捕致瞎兩目不准援例

刑部爲稟報事該臣等會看得何顯廷行竊拒捕扎傷事主張秉垣

并被張秉垣擦瞎雙目一案據河撫臣圖 疏稱緣何顯廷因貧難
度起意行竊乾隆二十一年八月初六日夜潛至張秉垣莊上越牆
進院撥開堂房入室張秉垣聞響喊叫何顯廷未及竊賊奔逸張秉
垣追至牆根將何顯廷抱住何顯廷情急圖脫轍用鎗頭扎傷張秉
垣左腿張秉垣喊叫伊弟張秉忠幫同將何顯廷拴獲何顯廷又用
言恐嚇如不釋放結案後必要放火燒死闔家張秉垣恐遭其害隨
取石灰將何顯廷兩目擦瞎稟報屢訊不諱將何顯廷擬絞監候并
聲兩目雙瞽已成篤疾援例 奏請等因具 題前來應如該撫所
題何顯廷合依竊逃棄財逃走事主追逐逞克執持金刃戳傷事主
例擬絞監候秋後處決再該撫 疏稱何顯廷被事主拿獲擦傷雙
目已成篤疾相應照例

奏聞取自

上裁等語查何顯廷因行竊拒捕被事主拿獲擦瞎兩目是該犯之雙瞽
卽係行竊拒捕所致與篤疾犯罪 奏請之例不符應將該撫聲請
之處毋庸議可也等因奉

旨何顯廷依擬應絞着監候秋後處決餘依議乾隆二十二年七月十三
日邸抄

安置軍流人犯仍聽督撫於應遣府州所屬均勻酌發

刑部爲籌辦軍流人犯等事江蘇司案呈准山西司傳抄內閣抄出
陞任山西按察使托穆齊圖 奏前事等因乾隆二十二年六月初
一日奉

硃批九卿議奏欽此本部會同九卿會議得據陞任山西按察使托 奏安
置軍流人犯應請仍聽督撫酌發也查舊例軍流人犯原解赴督撫
衙門轉發嗣經纂緝軍流道里表俱按指定府州徑解知府直隸州

衙門酌發蓋恐人犯迂延拖累例意誠善惟是軍流脫逃府州縣各官均有處分而府州酌發之時誠恐逃脫有干吏議或擇地擇人有意多發亦有不諳之員任聽書吏受囑偏發故各屬每有偏多偏少之處卽以山西一省而論一州縣有軍流數名以致一二十名者有僅止三名亦有並無軍流者不無偏苛之弊查徒罪人犯俱聽督撫批定驛站然後發配軍流較重于徒止由府州酌發亦于體制未宜且凡起解軍流本籍督撫給咨之時例先咨會配所省分之督撫文移訊速遞解遲緩配所省分督撫接到咨文卽定地飭行遵照並無遲緩應請嗣後起解軍流人犯除照軍流道里表應遣府州發解外其應配州縣仍聽督撫查核在配人犯多寡飭行發配等語查軍流人犯經刑部纂輯軍衛三流道里表將軍流應發之府屬分別遠近俱指定註明嗣經原任廣東按察使張嗣昌條 奏將軍流各犯俱

徑解知府衙門轉發毋庸解省以免拖累又原任貴州按察使孫紹武以黔省各屬地方狹隘苗多漢少各省解到軍流衆多應將各省應遣貴州軍流人犯仍解巡撫衙門聽候通融酌撥俱經刑部議准通行遵照在案今據該按察使 奏稱山西州縣有數名以至一二十名者有僅止一兩名亦有並無軍流者不無偏苛之弊等語查軍流人犯應配府分雖應查照軍流道里表指定分發其府州屬應配之州縣原聽督撫酌量分撥但通行日久各省辦理未歸畫一應如所 奏嗣後起解軍流人犯除應配府州仍遵照道里表指定發解外其府州所屬之州縣仍聽督撫查核使配人犯多寡酌量發配則各屬軍流皆得均勻且免結黨同逃之弊矣俟

命下之日刑部通行直省一體遵奉施行等因乾隆二十二年六月二十

五日題二十七奉

旨依議七月

日准咨

安插民犯停其發往黑龍江吉林等處仍照舊例發雲南等省

刑部爲傳知事乾隆二十二年十一月二十八日奉

上諭拉林地方駐兵種地特爲滿洲生齒日繁與其間住京師不若給地耕種尚可以各謀生理而此項所出之缺可以挑補京城間散則生計益可饒裕朕是以詳悉籌畫派往官兵旣給以官車路費置產銀兩復多結地畝令其耕種此皆朕多方加恩令滿洲各得其所之意也但京城罪犯不肖之徒亦有發遣拉林者此等發遣人犯俱係教習無成怙惡不悛斷不可留于京城之人始行發遣拉林今恐發遣人犯過多良莠混淆不惟彼處風俗漸至敗壞與兵丁生計亦大有關係殊非朕教訓滿洲世僕向善謀生之本意且無知之徒往往不知派往種地爲加恩而反視同發遣者諒亦有之嗣後京城應發遣

拉林人犯如何酌定地方改發何地之處着滿洲大學士會同九卿該部詳議具奏欽此仰見我

皇上睿慮周詳恩養滿洲之至意臣等伏查乾隆十七年七月初八日八旗王大臣議覆原任步軍統領舒赫德條奏從前發往拉林人犯應拉林阿爾楚喀一摺奉

旨稽察此等匪類于旗人生計風俗攸關八旗大臣務須實心嚴查盡力辦理將查出之人卽發拉林阿爾楚喀種地但拉林阿爾楚喀地方除種地之外別無差使伊等到彼處如仍不悛改惡習妄行匪事者經該將軍大臣等查出卽由彼處發黑龍江交與索倫等充當苦差欽此欽遵在案臣等細思此等人犯皆係匪類與賞給資本派往前種地者原各不同若使令其羣聚一處良莠相雜漸染惡習與地方風俗生計反無裨益查乾隆十八年五月二十一日軍機大臣會同

八旗大臣議 奏嗣後八旗另戶滿洲蒙古內脫逃過一月者皆發黑龍江充當苦差折磨如知微懼改悔于本地丁冊內披甲當差如仍不改悔即發雲貴川廣等處其有不肖犯法者照民人治罪等因奏准在案今據發往拉林阿爾楚喀匪犯當即發往雲南等省但查民人亦有發遣寧古塔等處安插之例與其安置此等兇惡民人若不將旗人發往該處安插應請嗣後發往黑龍江吉林等處民人內除例應給兵丁爲奴者仍照例發往其發往安插民犯停其發往吉林等處俱照舊例發雲南等省所有旗人不肖之徒停其發往吉林阿爾楚喀俱發黑龍江三姓等處充當苦差折磨如有私逃回京者拿獲之日仍遵新降

諭旨即行正法此等發遣人犯到彼處時令該將軍均勻酌撥安置不得令其羣聚一處如有罔知畏懼不自悔改者該將軍大臣等嚴查報部即發雲貴川廣等省交與該省官嚴行管束如有仍犯者即照民人例從重治罪並令該將軍等于一年內將所發匪類中有無另行改發雲貴等省之處年終繕摺彙奏遣黑龍江交與索倫等充當苦差欽此欽遵在案臣等細思此等人犯皆係匪類與賞給資本派往新定之例分發雲南等省再查定例旗人毆死有服卑幼罪應杖流折枷內有情節慘忍者發拉林阿爾楚喀又旗員中誣告訛詐不顧行止者亦如之等語今既將匪犯停其發往拉林阿爾楚喀請將此等人犯亦改發寧古塔等處充當苦差如此則不肖之徒不致羣聚生事而發往種地之人亦得各謀生計矣等因乾隆二十二年十二月初九日奏本日奉

旨依議欽此等因乾隆二十三年正月十一日准咨

廣東東莞香山等烟瘴稍輕二十一州縣應發安插人犯俱解送

撫衙酌發

刑部爲傳抄事浙江司案呈准廣東司傳抄內閣抄出署廣東撫周
奏稱案准部咨本年六月內議准原任山西按察使托穆齊圖條
奏嗣後起解軍流人犯除應遣府州仍遵照軍流道里表指定發解
外其府州所屬之州縣仍聽督撫查核在配人犯多寡酌量發配等
因遵照在案惟查各項罪應外遣改發雲貴川廣烟瘴少輕地方安
插之犯凡僉發廣東者俱解臣衙門照從前例定之瓊山東莞香山
新會新寧新安歸善海豐陸豐饒平澄海潮陽惠來陽江電白吳川
石城海康遂溪徐聞合浦二十一縣分派酌撥臣查廣東省惟瓊州
府屬州縣及廉州府欽州係烟瘴地方此外各府州所屬六十餘州
縣水土犬率相同向所指烟瘴少輕地方今俱全無烟瘴乃拘定成
例僅配於二十一縣之中致令日積日多而外此四十餘州縣從不

派發不惟非均勻之道抑且匪類聚積一處久之恐致滋事除瓊山
縣應發人犯臣已 奏准部覆將應發瓊連二府州軍流遣犯解臣
衙門酌量派撥是瓊山一縣業經扣除外尚有東莞香山等二十一
縣應發之遣犯應請嗣後亦解臣衙門容臣酌量分撥安插編入例
冊毋庸拘泥從前指定縣分以免偏怙以臻畫一等因乾隆二十二
年十二月十三日奉

硃批該部議奏欽此抄出到部該臣等查得本年六月內臣部議覆原任
山西按察使托穆齊圖條 奏軍流人犯其府州所屬之州縣俱聽
督撫衙門酌發等因 奏准通行在案今該署撫 奏稱粵東烟瘴
地方除瓊州府屬州縣及廉州府欽州外其餘各府屬州縣水土大
率相同全無烟瘴請嗣後應發遣東莞香山等二十一縣俱解巡撫
衙門酌量分撥免致克犯聚集等語是亦慎重地方之意應如該署

撫所請嗣後東莞香山等二十一縣應發遣犯解赴巡撫衙門酌量派發如蒙

俞允俟

命下之日臣部行文該撫遵照辦理再各省有烟瘴地方均照此例一體酌撥可也等因于乾隆二十三年正月十六日准咨

吏部

職制

八旗散處人員捐職在散處地方入籍取結銓選

吏部爲知照事文選司案呈先據廂紅旗捐納從九品黃浩呈稱係吳如亮佐領下於乾隆十六年閏五月內在旗具呈前往江蘇淮安府清河縣縣丞堂兄黃濤任所相依就食于二十一年四月二十日遵額請暫開等事例在江蘇藩庫捐從九品并免考試因本旗以浩

係在外散處之人不應由旗出結浩本旗人就食江蘇並非出旗爲民請查例知照等情具呈到部經本部行文該旗查明該員如果從前相依就食並非出旗爲民令該旗照例給咨赴選如該員已經出旗爲民卽行咨覆另行辦理等因去後今准該旗 奏明黃浩應于散處地方入籍取結銓選并行文八旗漢軍一體遵照辦理將原奏抄錄知照到部除將送到原 奏移咨江蘇巡撫飭令捐納從九品黃浩入籍地方官查明該員有無不合例事故給咨赴選外并知照各督撫一體遵行可也

計粘單一紙

准廂紅旗漢軍咨稱本旗具 奏爲請

旨事據臣旗叅領牛寅副叅領吳文煥詳據佐領吳如亮呈稱職佐領下閑散黃浩于乾隆十六年五月內具呈前往江蘇清河縣縣丞伊兄

黃濤任所就食至二十一年四月內黃浩在江南捐納從九品職銜
今准吏部來文咨取該員赴選文結到旂該職等查得乾隆十七年
十二月內大學士忠勇公傳 等彙 奏八旂散處漢軍人等內有
咨報歸旂四案一摺奉

旨此項人等既經移居外省何以歸旂者又有四案着八旂漢軍大臣議
奏欽此乾隆十八年正月內八旂王大臣等議 奏內稱此項散處
人等未及數年已有復請歸旂者揆其情形緣因伊等雖屬散處究
係旂人常懷僑寄之心不爲長久之計是以甫經散處復思遄歸若
不酌立章程則散處人等必皆陸續歸旂殊非我

皇上軫念旂人廣其生路之至意嗣後八旂漢軍有情愿改爲民籍者仍
照從前之例准其爲民其有情愿居住外省者該旂行文知照該地
方官准其散處不必拘定期限伊等散處之後有愿入民籍者准其

就近改入民籍如有情愿遷移他省者聽其遷移伊等身既爲民更
無二三之見自必竭力謀生以圖久遠安居之計等語 奏准在案

又于乾隆十八年七月內正白正藍二旂將散處人員復行催令歸
旂經戶部議 奏內八旂所有從龍人員如直省有可依倚者任其
隨便散處仍照例令該督撫年底造冊報部其有愿爲民者亦卽聽
其改入民籍再漢軍人等除業經改入民籍者自應于入籍地方聽
其考試外至散處人員既有就近入籍爲民之例如愿考試似應卽
于散處地方一體准其入籍考試等因 奏准咨行八旂亦在案查
黃浩在散處地方捐納從九品職銜若仍行本旂出給咨送部銓選
則與移居外省復令回旂者無異職等未便出結黃浩自應于散處
地方入籍取結赴部銓選等因呈報前來該臣等看得事無巨細例
有成規一切散處人等有情愿爲民者准其就近入籍情愿遷移他

省者准其遷移有情願考試者卽于散處地方一體准其入籍考試
種種聽從其便此皆

聖恩格外體恤欲其安居樂業以爲長久之計至原議內並未議及捐職
一節捐令何處應行出具印甘各結咨部銓選今臣旂在江蘇清河
縣散處之閑散黃浩伊在江省捐納從九品職銜在部具呈經吏部
行旂咨取赴選文結前來臣旂若卽爲伊出具印結不特爲散處之
人首開回旂之端黃浩領取印結自必回旂守候銓選誠與從前王
大臣等遵

旨查 奏散處之人復行歸旂之原議不符且日後伊等子孫再有捐職
者地遠年久是否親生有無假冒原旂無憑查核若冒昧出具印結
更覺難以辦理况荷蒙

聖恩情愿考試者准其入籍考試今在散處地方捐職之人若仍行本旂
出結給咨送部銓選則與移居外省復令回旂者無異臣等愚昧之
見考試捐職事同一體今捐從九品職銜之黃浩自應于散處地方
入籍取結赴部銓選庶散處之人考試捐職事歸畫一不致參差矣
如蒙

俞允臣等行文八旂漢軍一體遵行辦理可也爲此謹 奏請

旨于乾隆二十二年三月十四日交送內閣于三月二十五日交出三月
二十日具 奏奉

旨依議欽此

發往試用人員不勝民牧改教

吏部爲欽奉

上諭事乾隆二十二年五月二十八日內閣奉

上諭楊廷璋 奏發浙試用知縣吳其光請

旨改教一摺所 奏甚是知縣有民社之責若才識迂拘不諳政務則于
地方諸事不能整理近來各省督撫于現任知縣中尙多留心查察
不致苟且姑容至于試用之員則以爲引見發往之人卽不宜州縣
或姑令委試或聽其守候不思中簡小邑亦必有應辦之事假使廢
弛叢脞則在任一日地方已受一日之累若任其守候則日月逾邁
精力自必就衰志氣亦益頹靡殊不得因才授任之道如于差遣委
用之時卽留心試看寔係不勝民社之任而文理尙屬明通卽據寔
奏請以教職改補在該員既可循分供職以慰其筮仕之初心百里
重寄亦不致有學製之虞矣可將此傳諭各省督撫知之摺并發欽
此

督撫募友關防

刑部爲欽奉

上諭事江蘇司案呈准貴州司傳抄准吏部咨稱乾隆二十二年六月十
八日內閣抄出奉

上諭督撫膺封疆重寄庶務殷繁不能不藉幕友爲臂指之助其所辦一
切刑名錢穀卽係本地方之事若令與外人交通假藉事權招搖撞
騙何所不至如近日江蘇巡撫幕中之王者輔公然出署乘輿拜客
遂得受所屬員弁囑託舞弊卽其明驗地方公務旣爲所敗徒令若
輩身抵于法而督撫並受其累何如早加防閑之爲得也嗣後各省
督撫務宜關防屬鑰鑿不得任幕友出署往來結交以絕嫌疑而肅
官守若不遵功令者或被人叅 奏或因事敗露必將縱容之督撫
治罪着通行傳諭知之欽此
佐襍親老不准改補近地

吏部爲給發文憑事文選司案呈准江蘇巡撫莊 咨稱據布政使

詳稱查得新選雲南蒙化府漾濞試巡檢范大椿奉文發憑取結傳
驗行據該縣詳稱伊父范儀鳳年逾七旬情難遠離請詳改補近地
等情覆查范大椿雖係在籍候選人員今於給憑時原籍呈請咨與
在部掣缺呈改近地之例相符相應轉詳伏候咨部改補并請將文
憑咨繳等情到院據此除咨雲南巡撫外相應咨達并將文憑咨繳
請煩查照示覆等因前來查月選官員親老改補近地惟州縣以上
在部投供者得缺時准其呈明本部查明具奏後始以近地之缺
改補至佐雜官員向無准其改補近地之例今范大椿捐納從九品
于乾隆十八年七月分選授雲南蒙化府漾濞試巡檢業經本部具
題奉

旨將文憑封發在案該撫例應驗看給憑令其赴任今該撫咨稱該員父
老難離請改補近地本部無例可循未便准行應將該員文憑仍發
該撫卽速驗看給憑令其赴任仍將給憑日期報明部科知照雲撫
可也

滿洲知縣不准捐部屬

吏部爲咨覆事文選司案呈准江南河道總督寔授江蘇巡撫愛咨
稱據蘇州布政使許詳稱據現任浙江嘉興府海鹽縣知縣舒瞻稟
稱卑職伏查 奏准江賑捐例條款內開一主事由現任外縣知縣
捐雙月選用銀一千二百兩又滿洲主事條下並無外縣知縣作何
報捐之文誠以向來滿洲人員以外縣知縣用者甚少是以條款內
未經議外及並非滿洲知縣不應捐主事亦非滿洲知縣可以捐用
漢主事也惟是滿洲既各有班次知縣之籍隸滿洲者欲報捐主事
必指捐滿主事方得歸班銓選今例內並無明文如急公人員欲以
滿洲知縣指捐滿主事者未稔作何報捐并是否因滿洲小京官筆

帖式與知縣品級相等卽比照七八九品筆帖式捐銀二千二百兩以滿洲主事用之處無憑懸擬又滿洲員外郎條內現任主事捐銀二千二百兩候補候選者捐銀二千六百兩第查知縣加捐員外郎必先捐主事再行加捐而滿洲知縣旣無報捐滿主事之條倘有以滿洲知縣欲指捐滿員外郎者應否卽照漢知縣捐主事雙月選用銀一千二百兩再照候補候選主事捐銀二千六百兩卽以滿員外卽用之處條欵內亦無明文卑職籍隸滿洲現係外縣知縣其應如何報捐伏乞示遵等情到司據此該本司查得江賑例內滿洲主事項下並無外縣知縣報捐之條今浙江海鹽縣知縣舒瞻籍隸滿洲可否卽照漢知縣捐主事雙月選用銀一千二百兩再照候補候選主事捐銀二千六百兩卽以滿員外卽用抑或另行作何報捐之處相應據情轉詳伏候鑒核咨部示遵等情到本署院據此除咨戶部

外相應咨達等因前來查各省漢知縣例與在京漢小京官等一體較俸陞用主事其滿主事一項僅有小京官筆帖式論俸陞補所有外縣滿洲知縣條無一體陞用主事之條是以歷年以來辦理各項欵內其滿洲知縣並無議有報捐部屬之例令該撫以海鹽縣知縣舒瞻籍隸滿洲可否卽照漢知縣報捐主事再加捐員外郎抑或另行作何加捐之處本部無例可循除知照戶部外相應咨覆乾隆二十二年三月初六日

俸滿教職丁憂服闋俟得缺送部引見

吏部爲欽奉

上諭事考功司案呈乾隆二十二年五月二十九日准署理廣東巡撫周咨稱據廣州府申報原任廣州府欽州訓導謝祖安到任六年俸滿續經丁憂服闋起復相應咨部等因前來查原任欽州訓導謝祖安

雖六年俸滿但係丁憂服闋候補並未現任之員本部不便帶領引見相應摘由批示并知照該督撫暨通行直省各督撫等嗣後如六年俸滿教職人員遇有丁憂服闋尚未補官者毋庸給咨送部引見俟該員得缺之日給咨送部引見可也

僱人代考中式竊冒科名改發黑龍江等處安插

刑部爲遵

旨審訊事據順天府尹熊學鵬 奏送邱沈等僱倩鎗手沈孚尹代考中式并邱聲宏倩徐晴臯頂名換卷入場一案奉

硃批該部嚴審定擬具 奏欽此欽遵隨據該府尹將現獲到案之徐晴臯鄧奕簪并書吏祁彪咨送到部經臣部行文提督等衙門將邱沈邱四邱聲宏沈孚尹魏簡在張鳳文等嚴拿送部去後于三月三十

四月初八等日據該府尹將邱沈等陸續咨送到部臣部逐一隔別嚴訊據邱沈供稱伊係廣平府清河縣監生乾隆二十一年五月內來京因文理荒疎不能進場鄉試隨央素識之南宮縣人魏簡在尋人代考魏簡在向邱四鄧奕簪商議鄧奕簪答有江寧生員沈孚尹文理甚好可以代替入場隨與邱沈同至沈孚尹寓所講定中式許謝銀五百兩不中給銀五十兩潤筆沈孚尹應允邱沈遂先給銀四十兩沈孚尹先頂名錄科隨替入場中式一百八十二名舉人後邱沈給與沈孚尹等銀五百兩沈孚尹得銀三百兩餘銀二百兩魏簡在邱四鄧奕簪等分用嗣經御史陳慶升 奏稱邱沈籍隸江南本係徐姓邱沈因府尹不送會試復于今年二月內在順天府尹衙門呈辯寔係清河縣人並非冒籍經府尹行查原籍尙未覆到卽被關拿其頂名之沈孚尹不知現在何處等情據邱聲宏供稱伊係清河

縣生員上年來京考過羅試恐鄉試不中魏簡在邱四說合僱覓江南人徐晴臯頂同寓患病生員張鳳文之名一同進場于場中彼此換卷議定中式謝銀二百五十兩不中給銀三十兩邱聲宏先將銀二十兩交邱四轉給徐晴臯收受後因入場不中所許銀兩並未找給等情據徐晴臯供稱伊係江南武進縣人在京教館上年七月間因伊同寓之邱四倩伊代清河縣生員邱聲宏進場考試商定中式謝銀二百五十兩不中給銀三十兩邱四先付伊銀二十兩收受因年貌不符適有清河縣生員張鳳文來京赴試染病在寓不能進場徐晴臯密頂張鳳文之名進場與邱聲宏換卷後因不中索找餘銀邱聲宏不給伊復向邱四鄧奕簪索討邱四僅給驢一頭伊賣得錢三千文迨後聽聞御史奏邱沈係江南籍貫本係徐姓以致旁人俱擬邱沈中式係伊代替不知徐晴臯係代邱沈之叔邱聲宏頂

名換卷並未中式而中式之邱沈乃係另僱鎗手沈姓頂替入場更兼邱聲宏並不找中所許銀數心懷不平適值邱沈來京呈辯籍貫伊意圖索詐卽赴禮房書吏祁彪處探問辯籍確信以爲勒詐之據詎祁彪不以寔告卽回寓具呈欲告尚未投遞旋被訪獲等情臣等隨將魏簡在邱四鄧奕簪等再四研鞫據該犯等各將向沈孚尹徐晴臯輾轉說合及各該犯得受銀兩數目并徐晴臯密頂患病生員張鳳文名字入場換卷情節逐一駁詰俱于邱沈等供詞脗合復訊據張鳳文供稱伊係清河縣生員上年七月間來京鄉試與邱聲宏在臥佛寺同寓伊已經投卷因患熱病不能進場迨至病愈場期已過隨卽回家並不知徐晴臯等私頂伊名字入場情事等情臣等因徐晴臯等輾轉說合頂名換卷且據徐晴臯供稱曾有向書吏祁彪探問邱沈呈辯籍貫之語其中恐有串通該吏賄商頂換情弊隨將

書吏祁彪詳加嚴審據供伊係順天府禮房今年三月間有清河縣舉人邱沈呈辯籍貫求送會試許謝伊銀二兩酌勞因邱沈尚未填寫親供難以辦理並未應允至徐晴臯向伊打聽邱沈辯籍一事伊僅答以照例辦理徐晴臯亦即走去並無別情等語復提邱沈徐晴臯臯加究詰矢口不移似無遁情查頂名中式之沈孚尹雖在逃未獲而現獲之邱沈鄧奕簪等已據一一供吐如繪自應先行定擬定結查科場條例內載僱倩代做賄通傳遞事發將倩代傳遞之人從重治罪等語又例內學臣考試有積慣隨棚代筆之鎗手察出審寔柳號三個月發烟瘴地面充軍其僱倩鎗手之人及包攬之人並與鎗手同罪等語今邱沈當此掄才大典例禁森嚴胆敢出銀僱覓沈孚尹頂伊名姓入場代考中式冒竊科名視尋常考棚僱倩代做其情較重應照本例軍罪改發黑龍江等處安插以示儆懲仍照例先

行柳號三個月發遣雖據該犯供有母周氏現年八十二歲並無次丁但係科場作弊情罪較重應不准其留養邱聲宏僱倩徐晴臯頂張鳳文之名入場與伊換卷未經中式應照僱倩鎗手之人與鎗手同罪例應柳號三個月發烟瘴地面充軍徐晴臯雖將邱沈等僱倩頂替等弊欲行首告尙未呈遞到官且係索詐未遂又未將頂張鳳文一名入場換卷情由首明未便以自首論徐晴臯應照隨棚鎗手例柳號三個月發烟瘴充軍魏簡在既爲邱沈代僱復爲邱聲宏僱人頂替兩次得受銀兩寔係包攬應照包攬之人例柳號三個月發烟瘴充軍邱沈等俟柳號滿日均咨送兵部發遣邱四鄧奕簪爲邱沈等從中說合雖審無積慣包攬情事但各分得銀六十兩應照詐欺取財計贓准竊盜論律六十兩杖七十徒一年半劓發順天府定地充徒至配所折責二十五板祁彪張鳳文審係不知冒名情由應

毋庸議徐晴皐所得銀錢照追入官未獲之沈孚尹卽沈誌甲臣部業經行文各該處嚴行緝在案應仍行文江督直督提督都察院順天府轉飭各屬嚴緝務獲送部另結其失察頂名羅試送考之順天學政并失察入場換卷之提調監臨監試各官應俟

命下之日行文吏部查議爲此謹 奏等因乾隆二十二年四月十九日

奏奉

旨依議欽此乾隆二十二年五月二十五日准咨

保舉人員以昏憤等項被叅將保題上司議處

吏部爲特叅關茸溺職之縣令等事考功司案呈吏科抄出本部

題前事等因乾隆二十二年七月十四日 題本月十六日奉

旨依議方觀承着罰俸一年欽此抄出到部相應通行各督撫轉行該學

政一體遵照可也

計粘單一紙

議得川督開 疏稱江油縣知縣張永泓人本平庸性復昏惰地方事務全無整理一切民詞任意高擱其所寄斷之案率多不合情理如縣民高寬嫌父管束赴縣訐控其父偏向長子該縣並不按干名犯義之律將李高寬懲處轉若伊父應責姑以衰病窮若免究了事又民婦盧張氏具控楊天育賴婚該縣並不細心研鞫竟將盧張氏聘定之媳斷歸妄冒之王英又匪棍黎元等強佔良人子弟何英楊金萬經弁兵捕役拿獲夥匪李鳳等送縣該縣並不緝拿逸犯黎元等究處濫將被害之何英楊金萬鎖押數十餘日至地方報竊之案亦俱縱捕玩延杳無弋獲似此關茸廢弛糊塗溺職之員斷難姑容以貽民害所當特 疏題叅請

旨將張永泓革職以肅官方等因乾隆二十二年六月二十九日奉

旨這所參張永泓着革職張永泓由直隸教諭經該督方觀承以該員年力壯盛留心吏治保題陞用今觀其辦事昏憤至伊子訐父而竟欲將其父責治悖謬如此則其爲教諭時庸劣可知該督從前何以遽列薦劾向來保舉人員如犯貪酷重欵原保舉官例有處分其餘以尋常不職參革者並未議及此等不職之員雖與貪酷敗官者不同既薦薦舉必素知其才具尙屬可用不應前後判若兩人摠緣爲大吏者以無關考成遂不留心稽核漸至冒濫殊非澄敘官才之道方觀承着交部察議嗣後各省保題陞用有寔係昏庸不職被劾者原保舉官作何酌定處分之處着該部詳議具奏欽此欽遵抄出到部除張永泓遵

旨革職知照四川總督外查定例保舉官員有犯貪酷不法之欵審寔者將督撫降一級調用司道府等官降二級調用加級紀錄不准抵銷各省學政濫舉教職其處分與督撫同各等語是保薦人員有犯貪酷重欵原保不寔官員原有分別議處之例至于昏憤不職乖張悖謬參革者例內未經定有原保舉官議處之條該督撫等以爲無關考成不復留心稽核往往薦舉不當以致貽悞地方是視保舉爲具文寔非藻鑑人倫澄敘官方之道臣等欽遵

諭旨公同酌議查保舉擢用之後被參人員雖無貪酷不法重欵與蕩檢踰閑者有間但既係昏庸乖謬不稱保舉之員該上司濫列薦劾亦當酌定應得處分以昭炯戒應將此等保舉不寔各官照議處保舉貪酷人員之例量爲區別請嗣後各省保題陞用人員內以昏憤糊塗辦事乖張悖謬被參事有寔蹟者除原保舉之各上司自行查參

免其議處外如不行揭報題叅將保舉之督撫降一級留任司道府等官降二級留任若原薦舉之各上司已不與該員同在一省無從揭叅者將督撫罰俸一年司道府等官降一級留任其保舉教職之學政卽照查議督撫之例議處仍令各該督撫等于例款糾叅本內卽將該員係何員保舉陞用原保舉官曾否揭叅之處詳晰聲明以憑照例議處如匿不聲明後經查出將不行聲敘附叅之員卽照原保舉官應得處分一併議處如此庶各上司自顧考成保舉倍加詳慎矣如蒙

俞允此案張永泓之原保官直隸總督方觀承不與該員同在一省應照例罰俸一年并令該督將原保張永泓之學政及各上司職名送部查議等因可也

官員到任憑限文冊按季並送吏科

吏部爲移咨事文選司案呈准吏科移稱切本科于本年六月分辦理摘叅查得江蘇省官員到任違限文冊自乾隆二十一年春季止以後並不造送查紅限冊結事閱核題理應按季造報今該省竟遲至一年有餘尚未送科先于乾隆十七年六月分本科辦理摘叅江蘇省造冊遲延業將該布政使郭違例延擱之處附疏叅 奏經吏部議處在案應行令該省將乾隆二十一年夏季起至本年夏季止其官員到任有無違限作速查辦彙齊送科毋得仍前稽遲致干叅處其餘各省應造上季官員到任冊結亦務于下季造送本科以便查辦再乾隆十八年十二月內湖北省乾隆十八年夏季文冊止送吏部而不送吏科經本科以紅限事件係本科專辦之案應照河南省之例按季彙冊具批送科庶不致遺漏稽遲更可省往返咨查之繁等因通行在案今各省有業經具批送科者有仍未具 送科者

相應移會貴部轉咨直隸江蘇安徽山東浙江湖北江西福建山西
廣西四川貴州等省各該督撫查照河南之例每年按季彙造清冊
出具批迴咨送本科等因前來相應轉咨直隸等省各該督撫一體
查照辦理可也

公式

州縣公出敘明事由并公出月日申報該管府州查明出結于月
底通報存案

吏部爲請嚴查州縣公出之寔省命案以勤吏治事議得掌四川道
監察御史朱 奏稱竊見上司與州縣往往于應干處分卽爲之聲
言公出以圖開脫雖例有處分之條亦從未見上司有揭叅屬員捏
報公出之案則私習之瞻徇可知卽如江西裴角山招冊內係初一
日強搶胡瑞伯兒婦其妻往救直至初八日方威逼一命爲時以久

臣怪其搶奪多日何以該縣聽其行強又查其揭帖則原告與地保
均稱初一日本縣公出而該縣自敘則稱初三日公出前後矛盾該
撫並未詳細繫結是以公出爲開脫相沿旣久已恃爲漫無查對矣
夫設吏本以安民况捨人重案若使該縣早爲拘審何至冤斃一命
其故皆由州縣託借公出毋論前事後事皆留開脫之地以致被害
之民控訴艱難似此脫卸推諉恐命案因之以增吏治由此或怠臣
請

勅下督撫嚴加整飭非係要緊公件不得輕調州縣而報稱公出更宜詳
對時日不宜錯舛虛捏而同城職官亦宜酌視案情緊要務除害于
未成毋得遷延推諉坐釀人命庶州縣等官皆以勤恤民隱爲亟而
命案得以節省吏治益昭勤慎等因具 奏前來查定例官員慌報
因公出境者降一級調用又定例人犯越獄如有並非因公出境該

例
管上司瞻顧情面受屬員請託捏稱因公出境掩飾具 奏照徇情
例降二級調用該管有獄官照規避例革職又定例州縣官將應審
理事件不即查究以致釀成人命者降二級調用等語是州縣慌報
公出上司徇情扶捏以及州縣官坐釀人命例內俱載有處分明條
但外省積習相沿往往該管上司並不按例據實查叅輕爲開脫以
致州縣各官以公出爲卸過之路遇事因循並不寔力查辦若不定
例以專該上司之責成終無以定虛捏而重職守今據該御史 奏
稱竊見上司與州縣官往往于應干處分卽爲之聲言公出以圖開
脫雖例有處分之條亦從未見上司有揭叅屬員報公出之案請
勅下督撫嚴加整飭非係要緊公件不得輕調州縣而報稱公出更宜詳
對日時不宜錯舛虛捏而同城職官亦宜酌視案情緊要務除害于
未成毋得遷延推諉坐釀人命等語查州縣官身膺民社地方事務

本屬紛繁豈容輕離職守自非案關緊要勢難委之他員查辦者原
不准濫行檄調但尚未定有處分上司之例或至日久奉行不力未
免貽悞地方應如所 奏通行各省督撫嚴加整飭非係要緊公件
不得輕調州縣如有違例差調混行詳委者卽行查叅照虛懸城守
例罰俸一年至州縣官具報公出有無假捏情節那移時日惟親臨
上司稽查最易自應令其核實轉報以杜虛誣之弊應請嗣後州縣
遇有公出卽一面敘明事由并公出月日處所申報該管知府直隸
知州查明並無虛捏那移情弊逐一敘明出具印結于每月底通報
督撫各上司存案將來一切詳報之案內有扣除公出之處俱令督
撫及各該上司照案核對如有謊報及那移時日者一經查出卽行
揭叅如係尋常事件謊報者照謊報公出例降一級調用不行查出
之該管官照失于查察例罰俸一年如係緊要事件規避降革處分

捏報公出者照越獄捏報公出例革職不行查叅之該管官降二級調用則謊報之弊可杜而處分無由倖免再查州縣官帶印公出遇有命盜案件原許代行官員先事拘拿分別羈報候印官回署審理該州縣既經公出勢難兼顧惟賴代之員寔力稽查防範但代行官員向未定有考成未免膜視悠忽或致日久釀成人命等項重案應請嗣後州縣具報公出將委令代之員一并聲明具報其地方一切重大事件據報到案悉行拘提分別保押候印官回署之日查辦倘不行查究致成人命等項重案即將代之員照處分州縣之例查叅議處如有借端滋擾等事仍令該督撫嚴行查察照例叅處則地方事務俱有端責而吏治更加嚴肅至該御史 奏內江西角山強搶一案爲日久地方官並不查辦及聲敘公出前後矛盾之處應一并行令該撫據實查明將應叅各官咨送臣部照例查議

恭候

命下等因乾隆二十一年十月十四日題本月十七日奉

旨依議欽此乾隆二十一年十一月十八日准咨

命盜案件應甯牽連人犯患病不准扣限州縣通報案犯到官起限日期按月造冊咨部存案

刑部爲遵

旨查明具 奏事浙江司案呈准總辦處傳抄乾隆二十一年十一月初三日內閣抄出本月初一日奉

旨朕令刑部查察直隸審題富山故殺七十遲延一案該犯于乾隆十七年六月患噤口痢豈有至二十年二月始行病痊之理而病痊後又患血症直至二十一年二月方行 題結明係各承審官因循耽悞慮過限期飾詞捏報怠玩至此大非慎重刑名之道將此案承審審

轉遲延之該督及司道有司等交部嚴加議處案犯報病不得過三
月該部去歲雖定有成例現在如有逾限者該部即應查參其在未
定例以前之案如遲至二年者俱照此案議處看來直隸既有此怠
玩積習諒必不止一案而各省似此者亦復不少着該部于半月內
通行查明具 奏嗣後每年秋審時並着九卿該部留心查看有捏
報人犯患病以致遲延案件者即為舉出該部即行參 奏若九卿
及該部不能舉出尚待朕閱冊查問則責有攸歸矣欽此欽遵仰見
我

皇上澄清吏治明慎用刑而不留獄之至意臣等伏查各省審理案件遇
有監犯患病年節封印及承審官因事公出解審程途各日期定例
均得展限惟是封印公出解審等項展限俱有月日道里可稽勢難
朦混至監犯患病其痊愈遲速最易捏飾承審各官藉此遷延時日

巧避處分是以乾隆二十一年五月二十七日臣部議覆原任山西
按察使托穆齊圖條 奏嗣後犯病展限不得過三月違者烙例揭
參等因 奏准通行在案今奉

旨飭查臣等謹將秋審 朝審新舊各案逐一詳查除承審遲延曾經各
該督撫附疏 題參者毋庸查辦外其題結之案現入秋審者共三
千三百二十二件未及入秋審者共一千三百七十八件今查出定
例以前案犯患病遲至二年者四川廣西福建浙江江蘇山東山西
直隸等八省共八十二件定例以後案犯患病已過三月者河南直
隸等二省共二件其雲南貴州廣東奉天陝西湖廣江西安徽等八
省並無逾限事件相應將應參各案摘敘事由另繕清單請

旨飭交吏部行文各該督撫查取應議職名照例議處至揭帖已經到部
尙未核 題各案臣等于核覆時詳細查明如有違限之處隨本附

參仍令直省各該督撫查明未經具題案內有因案犯患病遲延者遵奉

諭旨分別例前例後即于疏內聲明交部察議再臣等更有請者各省命盜案件人犯到官之初例不報部直至題達核議時方知某案于某年犯事及檢原疏該督撫已為逐細開除聲明並未逾限積習相沿已非一日今自定例以來承審各官亦均知勉勉趕辦是以定例以後逾限比前較少第案犯之多寡不齊有一案內數人至數十人不等承審官藉有一犯患病得展三月之例恐于犯多之案致有甲病甫痊乙復見告層遞接扣以圖展限復起藉延之弊嗣後應請案內惟要犯要証委是患病方准各自依限開除若係應審牽連人犯與本案不關緊要者即患病屬寔亦應先將本案審結不准扣限並令各該督撫即將州縣通報案犯到官起限日期按月造冊咨部存

案臣部分別記檔嚴行查核其或案犯不齊事涉疑難勢寔不能速結者該督撫自行備案 奏明請

旨展限如此則督察甚嚴而案牘不至沉擱矣為此謹 奏請

旨乾隆二十二年十一月十九日 奏本日奉

硃批所議是依議欽此又于二十日內閣抄出本月十九日奉

旨前令刑部查參直隸審題富山遲延一案已將承審審轉各員交部嚴加議處今據該部將各直省遲延未結之案通行查明案犯患病遲延者共八十二案而直隸一省則多至六十四案該省即有差務何至陳案未結若此之多可見直省因循闕茸竟成痼習大非慎重刑名之道所有承審審轉各員着炤富山一案之例逐案嚴加議處餘依議欽此乾隆二十二年十二月十五日准咨

有關倫常名分命案於人犯到案後即行審解不准拘泥定限致

稽時日

刑部為傳知事浙江司案呈准陝西司傳抄內閣抄出乾隆二十二年十一月初八日奉

上諭三法司議覆吳達善審擬吳得受扎傷家長吳映身死一案該犯以奴僕故殺家長不法已極一經審寔即應請

旨正法庶足儆兇頑而彰國憲何得以傷痊起限遷延半載有餘始行具題致該犯得以苟延時日設令畏罪自戕轉得倖逃法網何以使兇頑之徒觸目警心動色相戒耶向來如卑幼擅殺期親尊長屬下人扎傷本管官此等重案內外問刑衙門往往辦理遲延屢經嚴飭猶然積習未化殊非辟以止辟之意嗣後凡有似此情罪重大之犯審訊明確即行具題正法不得藉詞延緩其犯罪之孕婦不在此例將此通行曉諭知之此案遲延各官着照部議查叅欽此欽遵臣等

伏思情罪重大立決案犯必須趕辦速結立正典刑方使兇惡之徒羣相警惕若遲延經年始行題結正法則閱時既久事過漸忘誠如

聖諭無以儆兇頑而彰國憲應請嗣後除尋常案件例得監候秋後處決及案涉疑難犯逃未獲各案仍照定限辦理外如係卑幼擅殺期功尊長屬下人殺傷本管官並妻妾謀死親夫奴婢毆故殺家長等案倫常名分所關應令承審官于人犯到案後如已鞫訊明確即行具詳上司審轉核其供情確實者即行具題不得拘泥定限尚寬致稽時日其婦人有犯情重大者必須驗訊明確除實係孕婦准其展限外其餘亦照此例辦理臣部及法司于科抄到日亦即速行會核

請

旨正法並令各該督撫嚴飭司府州縣遇此等案件務須作速審理完結

不得稍有遲緩再查臣部每年封印將屆案件較多向例自十二月十三日以後不進立決題本除臣部現有決本已經趕辦于十三日以前送閱外但逐日交出科抄尙有情罪重大之案而自十四日至封印尙有數日臣等酌議科抄在十五日以前到部者其重大之案俱行趕辦于封印以前具題其十六日以後到部者于明年開印後具題如此則重犯不致倖延而免徒咸知儆惕矣等因乾隆二十二年十二月十三日奏本日奉

旨知道了欽此相應行文浙撫轉行杭州將軍乍浦副都統可也等因于乾隆二十三年正月十一日准咨

戶部

戶役

冒籍生員限年自首未經查明各生停鄉試一科

大學士忠勇公傅等謹奏爲清釐冒籍自首之弊以杜假冒事乾

隆二十二年正月初七日內閣抄出直隸學政莊奏前事等因乾

隆二十二年正月初六日奉

硃批軍機大臣會同該部速議具奏欽此欽遵抄出到部臣等會議得

順天學政莊奏稱直隸冒籍生員令其自首改正現據各教官查出申報每學多者五六十名少者十五六名尙有未經查出者將來陸續查出名數甚多其中恐有將本身入學姓名令兄弟子姪頂替或將北籍生員賣與各省童生頂名呈首或本人自首于比而他人頂替于南直隸地方官及教官止能知其並非北人不能知其寔係何處州縣及真姓的名確寔三代若但據自首卽行咨回必至以並無衣頂之人假冒生員其弊非小應將查出冒籍各生暫停弊南北歲科兩試照依定限一年著落本生自首卽據所首之姓名三代籍

貫一面咨明禮部存案一面行查該省布政司轉行本籍州縣取具
父師親族隣里切寔甘結該地方官加具印結由司轉詳覆到臣衙
門方准咨回該省學政入冊收試其不由司申覆者不准咨回入冊
該地方官查出假冒頂替情弊即將該生照例治罪如地方官不能
查出別經發覺將出結之地方官照例議處如此澈底清釐咨查往
返稍需月日已卯年鄉試屆期未便一槩收考錄送應將咨查原籍
未經入冊之生停其鄉試等語查學政定例首嚴假冒頂替之弊直
隸向多冒籍生員乾隆二十一年十一月內經大學士九卿議准御
史陳等條 奏冒籍生員令該督及順天學政府尹責令各地方官
各學教官詳查均照乾隆十年之例以部文到日勒限一年查明冒
名冒籍者悉令改正咨回如地方官奉行不力該督撫即指名叅處
等因遵行在案惟是南人冒入北籍直隸地方官及教官但能知其

爲冒籍其原籍果係何府州縣並的確姓名三代寔屬無憑查該
生等乘此作偽如該學政所稱或將本身入學姓名頂與兄弟子姪
或將北籍生員賣與各省童生或本人自首于北而他人頂替于南
亦事所必有應如該學政所 奏將查出冒籍各生暫停其南北歲
科兩試照依定限一年着落本生自首即據所首之姓名三代籍貫
一面咨明禮部存案一面行查該省布政司轉飭本籍州縣官查明
並非假冒頂替者取具親隣甘結加具印結申司詳覆順天學政方
准各回原籍入冊收試其不由司詳覆者概不准咨回入冊如地方
官查出假冒頂替即將本生斥革並頂名之人均照例治罪如不能
查出別經發覺即將出結之地方官照例議處至首明冒籍雖限以
一年而往返咨查取結詳覆必需月日日南方各省遠近不同州縣
既不敢草率從事勢不能于一年之內盡行取結詳咨亦應如該學

政所 奏至已卯科鄉試之年除已經查確取結者即聽歲科鄉試外其或有咨查原籍未經入冊之生並停其鄉試以杜冒濫再南北咨查文移轉帳由司到縣恐吏胥從中舞弊勒索以致延擱時日應令地方官嚴加禁飭違者按律治罪如此則冒籍之人不致借改歸而滋弊文案更得速結矣俟

命下之日令該學政及各省督撫一體遵行等因乾隆二十二年正月初十日 奏本日奉

旨依議此等冒籍生員即永停鄉試亦不為過若未經查明遽准與試必至仍多弊混着將冒籍各生停鄉試一科以便通行清釐永杜冒濫

欽此

田宅

委員查災不實一體處分

吏部為欽奉

上諭事考功司案呈內閣抄出乾隆二十二年七月初六日奉

上諭向來直省遇有偏災本邑正佐不敷分辦例委隣封州縣及佐襍試用等官協同查辦原期體察周詳勿致遺濫乃委員往往以例無處分事非切已不過扶同具結虛應故事甚非差委本意委員既經差遣則承辦皆分內之事自應與地方官功過一體嗣後委員內如有查災不據寔結報辦賑不寔心挨查草率從事仍前玩忽者該督撫查明 題叅照地方官查辦災賑不寔一體處分着為例欽此

賑務督撫留心體察

戶部為欽奉

上諭事山西清吏司案呈乾隆二十二年八月三十日內閣抄出奉

上諭據御史周照 奏災地施賑恐不肖有司侵漁冒濫請密派大員親

例彙編卷之四
往查勘一摺所指情弊諒賑務中所寔有但必密派大員查勘則于政體未協無論所遣之員一人耳目難周轉恐各督撫等懼干處分或致諱災不報坐視其顛連而莫敢上聞是本求祛弊而反致屯膏適足爲貧黎害矣然該御史既有此陳 奏應傳諭各督撫于賑務尤當留心體察董率有司寔力查辦倘或遺濫侵蝕如該御史所指情弊或經朕訪問或被人叅 奏不特州縣官從重治罪其各該督撫等亦必嚴加懲治周照摺并發欽此欽遵抄出到部相應將所奉諭旨并抄錄原 奏行文江蘇巡撫一體欽遵辦理可也

計粘單一紙

掌貴州道監察御史兼戶部行走臣周照謹 奏爲核定災賑事切

惟今歲直省間有偏災我

皇上軫念民生急賑加賑

恩施格外凡司賑各官苟稍有人心自無不竭力辦理但賢愚不等誠恐不肖有司見

聖諭諄切不拘常例以爲從寬用帑之時卽稍事侵漁未必嚴加稽察甚至捏造災戶冒銷帑項其寔在應賑貧民轉多遺漏關係非小臣查向來辦賑州縣叅劾侵冒者甚少蓋以地方大吏耳目難周且一經發覺上司失察已干嚴處因而隱忍回護草率完事在所不免今歲賑恤地方較多自應設法稽查以圖寔效臣請

皇上勅令該督撫一面查災放賑一面將災戶花名造冊送部部臣開列經賑州縣具招進 呈恭候

皇上欽定應查其州縣密派大員速赴該處查對災戶及原冊如有不寔請

旨拿問按律治罪其失察之上司亦嚴加議處如此辦理乃不必逐縣滾

查致滋繁擾但懲一警百俾辦賑各官知有清查之一法無敢妄生不肖之心庶幾寔力于賑務稍有裨益臣愚昧之見是否可採伏乞皇上訓示謹 奏

婚姻

謀佔服孀家產賄捕誣姦強逼改嫁照光棍例分別定擬

刑部為拿訪事該臣等會看得王文傑謀佔服孀王裴氏家產賄捕聶八等誣氏與夫前妻之子王文斗通姦強逼嫁賣一案據直督方疏稱緣王文傑欺裴氏孀居子俊圖佔其產因氏守節無隙可乘時裴氏與夫前妻之子王文斗娶媳丁氏不服管教裴氏掌責丁氏一下經丁氏外祖李君美將氏接回王文傑因文斗患病時卧母坑遂疑裴氏母子有姦即往告伊戚李八賈主嫁賣許以酬謝李八舉薦捕役聶八能辦此事後王文傑與斫人馬有容相商許給錢五千文

邀尋聶八懇其捉姦嫁賣事後願謝驢頭聶八以姦情不是難以見官必須即有娶主始保無事王文傑遂云令康三娶去約在馬有容家定局馬有容將康三之姪康成業喚至與聶八等公議捉姦以後將裴氏嫁給康三而康三希圖裴氏資財囑託馬有容之父馬信成全其事康成業體會康三之意遂許給馬有容銀十兩聶八銀四兩託其料理尙有段五王三秀踵至為聶八說合向王文傑許給聶八銀五十兩段五王三秀欲染指二十兩寔許聶八銀三十兩各散聶八邀弟聶九並王大嘴攜帶練鑊繩子赴王文傑家等候聞隙拏姦王文傑囑王文斗伴母同寢王文斗墮其術中遂與母裴氏同坑隔別分寢王文傑引領聶八等齊至裴氏院內聶八撥門入室見裴氏與王文斗分队坑之東西穿有衣服聶八以姦無憑據即將裴氏小衣服脫剝用繩拴細復脫剝王文斗小衣肆行鎖鑊逼問姦情不認



又娶鉄通條向氏嚇稱燙烙裴氏被逼妄認始將裴氏兩手鬆放給
與衣服王文傑遂令寄信康三令其往娶康三即遣伊姪康成業前
往成契馬有容因康成業年少令其頂名代娶聶八即指康成業爲
娶主逼氏改嫁裴氏恐又凌辱佯爲允從馬有容即代寫賣契王文
傑詭稱裴氏情愿改嫁詎父王吉顯畫押康三前往迎娶聶八拉氏
出門裴氏至康三家康三毆打持刀恐嚇強拉成婚王文傑於裴氏
出門之後即將王文斗家大門堵塞壘牆折毀拉運騾頭糧食再將
家產給伊收管將王文傑依光棍例擬斬立決聶八康三擬絞等因
具題前來除馬信李八病故毋庸議外應如該督所題王文傑
合依光棍爲首者斬例應擬斬立決聶八合依光棍爲從例擬絞監
候秋後處決刺字康三合依強奪良家妻女姦佔爲妻者擬絞律應
擬絞監候秋後處決該督既稱聶九王大嘴聽從聶八指使跟隨疑

姦尚無幫同捆鐐情事合依光棍爲從絞例量減一等杖一百流三
千里康成業串謀許賄代叔頂娶應照強奪良家妻女姦佔爲從例
量減一等杖一百徒三年馬有容同謀圖賄係旂下家奴合依八旂
兒惡光棍生事擾害良人者發寧古塔爲奴段五王三秀從中講賄
公受銀兩均應照強奪良家妻女姦佔爲從例杖一百流三千里王
吉顯聽子王文傑之言混行主婚應照夫家搶奪強嫁孀婦按服制
加三等例應杖八十徒二年等語均應如該督所題完結再查監
斃流犯一名之管獄官宛平縣典史徐圮已經病故毋庸議署宛平
縣事施廷璜自行訪查免其查議外此案聶八等身充該廳衙役明
知王文傑謀佔誣姦嫁賣服孀胆敢崗賍聽從指使昏夜掇門入室
將裴氏母子衣服裸剝逼氏認姦強行嫁賣種種不法兇惡已極該
廳毫無覺察例應議處應將衙蠹害民不行查報之西路同知西蒙

額照例降二級調用有加一級應銷去加一級抵降一級仍降二級
調用查西蒙額又失察衙役犯贓亦例應議處但寔係一事相因而
致已照例從重議以降調毋庸議可也等因奉

旨王文傑着卽處斬聶八康三俱依擬應絞着監候秋後處決其因衙蠹
害民不行查報議以降調之西蒙額着該督出具考語送部引見再
降

諭旨餘依議乾隆二十二年六月初七日邸抄

倉庫

錢局工匠分別充退

大學士公傅大學士來字寄各省督撫乾隆二十二年五月初五日
奉

上諭據盧焯 奏請嚴錢局爐匠一摺亦屬嚴禁私鑄之意未爲無見只

知所 奏定爲章程未免立法太繁且奉行不善轉有滯碍難行之
處除弊之道只在隨時經理毋庸多設條例目今錢價並不昂貴若
交議傳宣恐奸商反致居竒然此等退役爐匠若竟漫無稽查則奸
民私鑄之弊亦所不免可傳諭各督撫令其各就地方留心查察以
杜弊端若有似盧焯摺中所指情形不妨酌辦可也盧焯摺并抄寄
欽此遵

旨寄信前來並原 奏內開湖北巡撫臣盧焯謹 奏請嚴錢局爐匠之

充退以杜私鑄私銷之源事竊照私鑄私銷寔錢法之蠹弊屢奉

諭旨嚴行查拿以肅錢法臣抵湖北巡撫任因漢口爲滇黔等省銅鉛匯
集口岸賄買旣便則奸民便利私鑄在所難免地方旣有私鑄奸民
則剪邊私銷阻壞錢法亦所必有臣蒞任後卽密行嚴查漢口一帶
并令地方官于荒僻村落及江湖空曠船內將察查拿現據拿報二

起雖非大夥私鑄而此等奸徒不能盡絕已可概見現在通行嚴飭寔力搜捕外惟是臣查核楚省前後拿獲私鑄多案內凡係撐鉗看火製造錢模土罐之奸民悉屬會充錢局爐匠暗曉鼓鑄之人或因事革退或自願歸農不法奸徒知其向在錢局勾引入夥伊等亦因深悉鑄務因而結夥潛藏恣行私鑄且伊等洞悉制錢銅質之厚薄剪邊銷燬以充私鑄技藝習熟臣伏思方今各省開設錢局廣行鼓鑄以使民用錢局所需爐頭工匠勢不能不召募民人在錢局供辦選募良民稽查出入各省立法大概相同非不嚴密慎重但局內一應匠役均須責成爐頭雇募本匠或與爐頭不協或因別有事故皆聽爐頭更換此等更替出局之工匠雖楚省曾定為交族隣管束之條然伊等既未犯罪出外謀生亦難拘禁而技慣鼓鑄以故糾夥私鑄私銷恒多臣等以為欲杜私鑄私稍之端莫若嚴定錢局工匠之

充退絕其根源查錢局所用工匠雖多然如翻沙磨錢挑水打炭一切散匠皆粗蠢愚民即久在錢局亦多不諳鼓鑄惟掌鉗看火造模等正匠既入錢局不應聽之爐頭即遇犯罪亦應畧別辦理臣請將各省錢局應用正副爐頭必行查本籍寔係有親屬家產農民取具戶族里隣確結地方官加結始准詳明充當其爐內所需各項正匠准令爐頭每項舉報二三名令監局道廳等官查驗果係諳練鑄務取本籍戶族里隣確結地方官加結詳送方准入局供役此等爐頭正匠長年在局供鑄有監局道廳與地方官層層稽查管束即有奸滑之徒亦不能勾通奸徒私鑄私銷惟是緣事出局之後踪跡靡定鼓鑄一事輕車熟路最易煽惑愚民請嗣後爐頭正匠無論在局在籍犯該流罪以上應照例發遣外如犯該徒罪定案之日仍拘留在局令充挑水打炭等役與充徒無異俟應得徒罪限滿仍准其照原

充正匠工役如犯該笞杖等罪發落後卽准其入局充當原匠若果有老病不能供役者發交里隣收管不許出境仍捕巡按月點卯倘病愈仍可充匠者准其申送入局一切翻沙等數匠內果有在局年久漸諳鑄務者令監局官不時報明亦令地方取具各結存案遇有正匠空缺卽令充補不得任其外出流傳鑄務如此則在彼局內司鑄之人稽察惟殷不復令其倏充倏退諳練鑄務之匠維繫在局不致滋爲私鑄私銷民間少一勾引私鑄之慣匠地方卽少一起私鑄私銷之奸徒于錢法似覺整肅于私鑄亦可杜絕臣言是否有當伏乞

皇上睿鑒勅部定議施行

倉穀出糶買補價值造冊報部

戶部爲倉穀糶價等事廣西清吏司案呈該臣等議得署理廣西巡

撫鄂寶 奏稱竊照州縣倉穀出糶于青黃不接之時買補于秋稼登場之後其原糶之價有買補而有餘者有買補而不敷者例應將此州縣之有餘撥補彼州縣之不足誠以倉項不可久懸時價貴賤不一故准通融辦理但寔在糶價及撥補確數務須造冊報部內外均有察核方足以昭慎重而除弊端乃粵西向例祇于奏銷冊內將買補緣由登明其出糶買補價值及撥補各數並不造報在該管官員固屬加意訪查使之不得滋弊第恐相沿日久稽察稍疎州縣或致乘機捏報故爲盈縮均所不免不得不預爲防閑臣查藩庫現有盈餘銀四千三百七十餘兩係歷年所積之項自當據寔造報存爲撥補糶價不敷之用請嗣後州縣出糶倉穀俟糶竣之日卽爲糶價由司造冊送部以爲買補之根據至買補後卽將寔在價值及何處盈餘何處不敷撥補若干再造司冊送部查核如此辦理庶內外稽

核嚴明而州縣亦不敢稍滋侵蝕之念等因乾隆二十二年五月十日奉

硃批該部議 奏欽此欽遵于本月十四日抄出到部臣等伏查常平倉穀春間減價出糶秋後買補還倉如價有不敷定例在于有盈餘之州縣撥補買足第查各省向來糶買常平倉穀有將各數全行報部者有止將糶價造報者亦有秋後買補止將買價造報者辦理殊未畫一廣西省常平倉穀向來並不將價值造報祇于冊內登明已經買補字樣臣部據其採買穀數與出糶原數核對相符即准其照例奏銷今該署撫既稱嗣後出糶倉穀將糶價造冊送部至買補價值及撥補何處盈餘亦令造冊送部查核則州縣官知所警惕似亦昭慎重而除弊端之意應如所 奏嗣後各州縣出糶倉穀將價銀若干造冊送司報部至秋後買補即將所買價值及何處盈餘何處不

敷撥補若干彙造清冊咨報臣部查核如有捏報侵漁等弊該署撫即行指名 題參除湖南湖北浙江山東奉天廣東山西江西直隸雲南貴州等省向來俱將出糶買補各數咨報臣部毋庸置議外其安徽江蘇陝西甘肅福建河南四川等省所有糶買價值辦理未經畫一之處應俟

命下之日臣部行文各該督撫一體遵照辦理可也為此謹 奏請
旨乾隆二十二年六月初九日 奏本日奉
旨依議欽此

禮部

祭祀

山川壇于春秋仲月戊日致祭

社稷壇同日致祭禮部為請

吉事祠祭司案呈乾隆二十二年三月初二日准陝西巡撫陳 咨稱竊

照會典開載

社稷壇定于春秋仲月上戊日致祭 山川壇此載春秋仲月致祭部

文每歲俱照此通行伏思

兩壇各設神位其齋戒致祭禮儀並重今 山川壇祭期及齋戒日期

未奉行知會典所載又無祭日各省沿襲舉行不免參差未昭誠敬

應請部示等因臣等謹查

社稷各 壇廟祭祀日期向來臣部俱照欽天監選定日期于一年之

前預行 題明并通行各省照京師之例一體遵行在案至各省

山川壇向于春秋仲月致祭原未定有日期今該撫以

社稷 山川兩壇禮儀並重 山川壇會典內未載致祭日期各省沿

襲舉行不免參差誠未足以昭誠敬應劄欽天監選擇致祭日期去

後今據欽天監文稱查京師祀典俱照會典開載 雲雨風雷之神

冬至從祀于 園丘 五嶽 五鎮 四海 四瀆之神 方澤遇

旱潦則祈禱于 天神 地祇壇外省各府州縣俱照府州縣之名

稱為府社府稷州社州稷縣社縣稷俱于春秋戊日致祭其 山川

之神只書某府某縣境內 山川之神每歲俱于春秋仲月致祭原

未載有祭日今准劄開將致祭日期選擇送部謹擬于春秋仲月戊

日致祭

社稷壇同日致祭 山川壇似于祀 地之義相近等語臣等覆核相

同理合照該監所擬致祭 山川壇日期 奏

聞恭候

命下通行各省遵照畫一辦理并請載入會典以便永遠遵行等因于乾

隆二十二年四月十七日 奏本日奉

旨依議欽此

兵部

軍政

武弁蒞任本地督撫留心體察

兵部爲欽奉

上諭事職方清吏司案呈乾隆二十二年六月初五日內閣抄出初三日內閣奉

上諭向來福建水師將弁多用地方之人蓋緣水師與陸路技勇迥別非習于洋面風濤者不克勝任勢不能不就生長其地諳悉情形之員隨宜簡約以便操防該將弁等既膺擢用卽當凜遵體制慎重職守不得以私戚公乃伊等往往因管轄地方本係桑梓或曾充行伍所屬兵民非舊日之朋儕卽同閭之姻戚孰識有素遂不避嫌疑往來

襍還甚至瞻徇情面曲庇所親以致將卒之等威不辨營伍之紀律不張舉動輕褻行事不足服衆雖有統轄之名毫無忌憚此所關干海疆戎伍者甚重如近日喀爾吉善參 奏臺灣鎮總兵馬龍圖徇私褻體卽其明鑒嗣後武弁蒞任本地務宜湔除舊習恪守官方自知檢飭約束兵丁勤加操閱該督撫等均留心體察警覺提撕時相規勉其蕩檢不職者卽據寔參 奏庶足以厲武勇而肅戎行稱朕委任之意着將此通行傳諭知之欽此

隨封琉球兵役在番滋事

大學士公傅等爲嚴懲糾衆挾制滋事不法之兵役以昭炯戒事據總督喀等 奏隨封琉球兵役陳國棟等在番滋事一摺等因乾隆二十二年五月二十二日奉

硃批軍機大臣會同三法司核擬速 奏欽此該臣等會同刑部都察院

大理寺會看得隨封琉球兵役陳國棟等在番滋事一案據部院喀等奏稱切照跟隨

冊封使臣前往琉球兵役理宜格遵

功令安靜守法前據中軍副將竇寧稟稱兵役在番或爭買貨物或虛報價值角口打降種種滋事臣喀恐伊等尚有藉端需索銀兩情弊當卽檄飭兩司移提兵役嚴究寔情從嚴辦理業經附摺 奏明在案臣鍾後訪聞兵役尚有挾制使臣阻送水菜勒令移咨國王加賞恤銀各情節又經飭司一併嚴究去後茲據福建布政使德按察使史率同府縣審擬呈解前來臣等會同提犯親鞫係陳國棟朱華朱文彩林賜毆元德俱係各營管隊與營兵翁元黃登并衙役姚章等獲送封使配坐兩船前往琉球頭號船隻於乾隆二十一年六月二十四日在姑米山遭風打破貨物衣服被水濡濕經球人駕船接往該

國王送有衣被銀五千兩兵役水手匠作一百三十六人均分得銀三十六兩七錢零衆兵向不滿欲因在番傳問上屆隨往兵役每名有贈銀一百二十八兩管隊陳國棟聞知意欲求稟使臣行文取給卽當率衆前赴公館稟求未准陳國棟與兵丁翁元黃登及皂役姚章同赴公館所領取水菜翁元黃登以使臣不加憐恤將水菜押住未送時陳國棟姚章從中附和旋經使臣家丁及通事人等再四查催始行送進七月二十四日使臣牌示定於二十七日前往致祭已故國王翁元黃登復聲言恤賞未給兵丁不去伺候姚章亦稱衙役亦不跟隨屆期仍各隨往至八月十六日各兵役俱在神廟還願陳國棟卽起意糾衆挾制主謀倡議不論兵役工匠水手前赴公館再求使臣傳諭補呈遂各散回陳國棟因浼通事鄭殿枚親丁鄭孝本寫就無名公呈紙邀衆投遞翁元黃登聲言如有一人不到卽行打

死是日惟船戶林萬安所僱出海之高長師未到翁元黃登卽赴長師寓所打開毀碎碗盞至十月內該國王差送銀二萬兩分給兵丁每名一百二十兩親丁匠役水手每名一百兩又翁元與使臣僱用親丁林陞買細角口邀同黃登將林陞扭毆并搶其瓶袋擲棄海中姚章因琉球承應公館之人買物來遲掌打跌地磕傷胎臍黃登因嫖宿番妓將不識姓名夷人混加毆打林陞又勾引番妓姦宿與親丁劉光國爭風毆鬧將光國鬚鬚扯落兵丁任貴向夷人買布不允混行辱罵復與通事鄭姓爭鬧更有投充巡役民人梁大有與夷官蔡宏謀索討欠銀不給轍扭其衣領將鬚鬚帶落數根其二號護船亦在姑米山遭風飄回打壞另換船隻於十二月十二日始抵琉球該國王查照頭船之例通給衣被撫恤銀二萬六千兩衆兵役人等亦照前數分領船內有帶貨物因被水淹浸該國王不允承買賠給

出入關口報稅銀三千兩時有兵丁鄭仲亮林昌鵬虛報貨物欲冒分稅銀兵丁陳炳張云錦林長桂許汝龍俱未帶貨亦欲均分隨稟明都司陳嘉言將稅銀分給船戶一千兩其餘二千兩在船共一百八十六人各分十兩餘爲酬神演戲之用以上各情節逐一隔別研鞫俱各供認不諱將陳國棟依律擬斬立決臬示翁元黃登擬斬決決朱華朱文彩林賜毆元德姚章擬絞監候任貴等擬遣鄭孝本擬以枷杖等因具奏前來查例載刁民因事逞兇聚衆抗官者爲首依例斬決仍照例梟示其同謀聚衆轉相糾約者雖屬爲從其同惡相濟審與首犯無異亦應照光棍例擬斬立決其餘從犯照例擬絞監候被脅同行者照例各杖一百等語今兵役陳國棟等跟隨冊封使臣前往琉球國體攸關自應安靜奉法乃瞻藉遭風名色始而聚衆求賞迨不遂意輒敢阻送供給聲言不往伺候甚至投鞋挾制迨

脅隨從目無法紀較之內地刁民聚眾抗官者情罪尤重自應嚴加懲創以彰國憲應如該督等奏陳國棟倡議聚眾毆呈號召挾制寔爲此案渠魁合依刁民聚眾抗官爲首例擬斬立決仍照例梟示翁元黃登倡言阻送水菜不往伺候復因船戶不到逞兇打開恃強迫脅均屬同惡相濟法難輕縱翁元黃登除宿娼紛爭各輕罪不議外俱應照爲首例擬斬立決朱華朱文彩林賜毆元德同謀具呈姚章附和挾制亦均屬同惡相濟不應如部院所擬照爲從例擬絞監候朱華朱文彩林賜毆元德姚章改照同惡相濟與翁元黃登一例擬斬立決任貴梁大有林陞劉光國雖未同謀但隨同行寔屬爲從亦均不應如該督等所擬照兇惡棍徒例擬應照爲從擬絞監候秋後處決再此案擬以枷杖之鄭孝本及未經提到各犯均應嚴行治罪以示懲儆既據部院等奏稱尙有現未提到各犯應令部院

將各犯嚴行拘齊與現在擬以枷杖各犯一并從重分別定擬到日再行定擬至部院等奏稱船戶高長師因被打罵無奈隨行應予免議管兵千總劉顯宗都司陳嘉言鈐束不嚴縱兵滋事業經另案糾參應如部院等所奏原案從重完結至欽差政使全魁副使周煌聽從兵役挾求遽准行文加給賞恤咎亦難辭應請交部嚴加議處再現擬斬決之陳國棟等各犯恭候奉到

諭旨之日卽行正法仍集琉球國在閩陪臣通事人等令其觀看其使臣到京并將辦理此案各情節明白曉諭庶見

天朝法律森嚴俾知威服再部院等奏稱各犯所得銀兩人數衆多一時不能追齊應請先於司庫酌動備公銀兩按數發還該國王收領仍在兩船各人分得名下勒限嚴追還欸等語查兵役等頭次因遭風失去行李該國王送到衣服銀五千兩雖係該國王辰誠致敬理

應該濟之項例得免追但該兵役等復妄行強索情殊可惡均應如
該部院等所 奏辦理仍令部院等着原派兵役不行慎選之該地
方官亦即追完還款等因奉

旨陳國棟着卽處斬梟示翁元黃登朱華朱文彩林賜毆元德姚章俱着
卽處斬任貴梁大有林陞劉光國俱依擬應絞着監候秋後處決陳
嘉言劉顯宗俱着革職拿解來京交刑部會同軍機大臣嚴審定擬
具 奏餘依議乾隆二十二年五月三十日邸抄

關津

番船進口停收軍械

兵部爲欽奉

上諭事武庫司案呈乾隆二十二年六月初二日內閣抄出初一日奉
上諭據馬負書 奏安南番船飄泊永寧汛現撥弁兵守護并飭有司將

船上軍械暫貯縣庫俟起身之時給還等語外番船隻往來海洋所
帶防船軍械等物本不足異飄泊收口時撥兵照看尙屬事理應爾
乃必將船上軍械收取貯庫此不過慮其生事耳不知彼若生事獨
不可于查收之前乎是誠婦人孺子之見相沿舊例最爲無耻適足
示怙轉令竊議中國所見淺小貽笑番人甚爲非體嗣後着概停查
收可通行傳諭沿海各督撫提鎮知之欽此

文政

